

## Transkription von Stadtbucheintrag KIL 1494a

Ort, Datierung: Kiel, 1494-??-??

Signatur: Stadtarchiv Kiel, Das Erbebuch 1411-1604, S. 135/b

Inhalt: Clawes Werneken: Erbenspruch; Tymmo Helrick: Erbenspruch; Kyneke Kynekinsz:  
Erbanspruch; Hinrick Bunstorp: Erbenspruch; Mathias Brun: Erbenspruch

---

Anno (et cetera) Mccccxciiij<sup>o</sup>

Dat erue belegen In der Schomakerstraten by vnser leue(n) vrowe(n) capelle(n) / vppe dem(e) orde dat aldus lange hefft gehorth hans Maken vnnd(e) / syne(n) erue(n) horeth nu quith vnnd(e) vrygh Clawes werneken vnnd(e) syne(n) / rechten erue(n) mydt allem(en) rechte vryheyden tho behoringhe(n) so dat mydt / syne(n) endescheden belegen ysz vnnd(e) hans erbenom(ed) vnnd(e) syne vorvar(e)n / vrygest beseten hebben de rente vint / me In dem(e) pantboke <sup>1</sup>

Dat erue belegen In der denske(n)strate(n) dat aldus lange hefft ghehoreth hans / moller(e) vnnd(e) syne(n) erue(n) horet nu quith vnnd(e) vrygh Ty(m)mo helrick vn(n)d / syne(n) erue(n) mydt allem(e) rechte vryheyden vnnd(e) tho behoringe(n) so dat mydt / syne(n) endescheden belegen ysz vnnd(e) hans erbenom(ed) vnnd(e) syne vorvar(e)n / vrygest beseten hebben welk he nam mydt syner husfrowe(n) Metten / In enem(e) bruthschatt de rente vintme In dem(e) pantboke <sup>1</sup>

Dath erue belegen In der bruggestrate(n) dat aldus lange hefft ghehoreth / Hinrick schelen vnnd(e) syne(n) erue(n) horeth nu quith vnnd(e) vrygh Kyneke / Kynekinsz vnnd(e) syne(n) rechte(n) erue(n) mydt allem(e) rechte vryheyde(n) vnnd(e) / tho behoringhe(n) so dat mydt syne(n) endeschede(n) belege(n) ysz vnnd(e) hinrick / erbenom(ed) vnnd(e) syne vorvar(e)n vrygest besete(n) hebben welk he nam mydt / syner husfrowe(n) Katherine(n) In eneme bruthschatt de renthe vintme / In dem(e) pantboke <sup>1</sup>

De bode negest dem(e) geuelhuse by der mure(n) In der kuterstrate(n) de aldus lange / hefft ghehoreth hinrick Token vn(n)d synen erue(n) horeth nu quith vnnd(e) / vrygh hinrick bunstorp vnnd(e) syne(n) erue(n) mydt allem(e) rechte vryheyde(n) / vnnd(e) tho behoringhe(n) so dat mydt syne(n) endeschede(n) belege(n) ysz vnnd(e) hinrick / erbenom(ed) vn(n)d syne vorvar(e)n vrygest besete(n) hebben de rente vint me / In dem(e) pantboke

Dat erue belegen by der(e) Nye(n)muren dat aldus lange hefft gehoreth hans loep / vnnd(e) syne(n) erue(n) horet nu quith vnnd(e) vrygh Mathias brun vnnd(e) syne(n) / erue(n) mydt allem(e) rechte vryheyden vnnd(e) to behoringe(n) so dat mydt syne(n) / endescheden belegen ysz vnnd(e) hans erbenom(ed) vnnd(e) syne vor(e)far(e)n vrygest be/seten hebben de rente vintme In dem(e) pantboke

<sup>1</sup>Text im Original durchgestrichen